

A2^r

Marcus Tatiſus wüncſcht dem gütigen Lefer alles güts.
 SEitemall Gott der himlifch Vatter/ feines
 ewigen Suns/ vnfers herren Jefu Chrifti
 ehr/ namen/ vnd gelauben/ deß Türckifchen
 tyranns wütung zerrettē/ ſich erzaigt/ auch
 all Chriftlich Fürften/ vnd Stend deß hai-
 ligen Rhō. Reichs/ mit ſampt andern fromb
 Herſchafften/ fein göttliche gnad verliehen/
 ſy zû ainigkeit (ehr geb das die lang weere)
 gelaittet/ vnd dem ertzfeind vnfers Chriftli-
 chen gelaubens/ ernentem Türcken wider-
 ſtand zethûn gewifen hatt. Jfts nun weit-
 ter angelegen/ daß nit durch vnthugend/ vnnd kriegs mißuerftand der
 ihenigen/ ſo follichem Zug vorfthend/ die ſchantz vberfehen (dauor Got
 der Almechtig fein wöll) vnd als verganges jars verſpielt werde/ dann
 wie groß vnd ſtarck ein Hauff immer ley/ wa nit die Hauptleut/ auch be-
 hertzt/ gemâß/ fürfichtig/ vnd gerecht feind/ wenig vertröftung auff al-
 len gewalt zehaben ift. Vnd wie wol follicher thugend/ zû vnfern ditz au-
 genſcheinlichen Kriegs Hauptleutten/ ſich alles güts zueerfehen/ möcht
 dennoch an den Jungen/ vnerfarnen Hauptleutten der fürfichtigkeit
 halben (villeicht andere thugend angefehen) was gemanglet werden/
 welchem in allweg fürzecommen/ vnd ein ieder fromer Chrift/ feins be-
 ften verftands/ als vil möglich/ dartzû rhat vnnd that zegeben ſchuldig
 ift/ Darmit wir nit vndergelegē/ vnfers hailands Jefu Chrifti vernai-
 nen/ Frawen vnd Junckfrawen ſchwechen vnnd verſchâmen/ Kinder
 ſpiſſen/ hab vnd güt verheeren vnd hinfûren ſehen müſſen/ vn̄ vnß ſelbs
 im ellend durch vnfern höchſten feind/ zûr ſchand vnd ſpott nackendt an
 viechmarckt/ in ewige dienſtpflicht verkauffen laſſen. Derhalben weil
 ich der perſon vnd des güts/ vnfers herren vnd erlöfers ehre zerretten/
 kaine/ oder gar kleine hilf thûn kan/ hab ich ein ſondern ſchatz/ meine Bû-
 cher/ ein Türckenſteur zegeben angegriffen/ vnd den gelertiften fürfich-
 tigſten Hauptman / Julius Frōtinus/ vom Latein zû Teutſch veren-
 dret/ darmit jedwere Hauptleut/ geſchickt vnd vngeſchickt/ die geſchick-
 ten ein errinerung vnd denckbûch/ jhrer ſelb kunft/ auff ander gleichmâ-
 ſige griff zûerdencken/ die vngeſchickten/ ein vnderriecht beſſers ver-
 ſtands/ hierauß nemen/ vnd zû aller not gehaben mögen. Hoff auch/
 mich difer müh nicht gar vergebenlich vndernomen zehaben/ zûuor ſo
 gleublich ift/ nit all vnſere Krigesleutte/ Türckifcher macht vnd arger
 lift/ gewiſſe erfarnus zetragen/ nâmblich als die/ ſo mit jhme noch nit ſo
 oft angetretten/ vnnd die auch/ ſo follichs ſchon gethon/ ſonder vil nit
 außgericht haben/ dan allain/ was der durchlechtig hochgeborn Fürft

Hertzog Friderich/ Pfaltzgrauff bey Rheyne/ vnd Hertzog in obern vnd
nidern Bairn 7c. mein gnediger Herr/ vñ der Edel getreng Ritter/ herr
Seba Erynri/ mteiner gebietenden herrn von Augspurg Haupt
man/

A2^v

man/ gethûn/ fo bemeltem Türcken/ etlich vil taufent erfchlagen/ die an dere geiagt/ Wien/ vnnd das gantz Ertzhertzogthumb Ofterreich vor Türkifcher gfångknuß befchützt vnnd befchirmt haben. Dañ auch/ fo dickers mals/ der Scythiern/ Parthiern/ Daciern/ Traciern/ Cappa dociern/ Triballern/ Phrygiern/ Lidyern/ Egyptiern/ fo dem Türcken vnderthenig/ vnd andern/ fo jhme auch anhengig gefein möchten/ als der Perfiern/ Armeniern/ Mediern/ Jndiern/ vnd jhrer mechtigen Kö nigen/ des Xerxes/ des Cyrus/ des Porus/ des Mithridates/ des Tigra nes/ vnd viler mer/ hierin meldung gefchickt/ wie fie oft mit vnfeiglichē groß menigen volcks/ von den Europifchen/ fo yetzund die Chriften ge nent werden/ mit klainē heüfflin/ gefchlagen/ vnnd gar vertilgt worden feind/ möchte dennoch vnfern Leütten ain hertz fchöpfen/ vnd anlait tung geben/ fy gedacht Türcken/ auch durch follich/ oder dergleichē An fchleg anzegreifen. Vnnd als man/ villeicht warer fach/ furgibt/ der Türck habe/ ertlich dreymalhundert tauferndt bey fich/ mache darnach drey hauffen/ ain fchlechten/ ain mittelmäßigen/ vnd ain gwaltigen/ er füre auch der Camelthier vil: Wirdeft du zwar hierin auch fehen/ für nãmlich im erften/ andern/ dritten/ vierten/ vnd fünften capitel des an dern Büchs/ wie allweg die befte Kriegßleüt/ Rhömer/ Carthaginer/ vnd andere auch follichs gethûn/ oder jhme fürkömen feind/ Als Lucul lus/ der zwenn Königen/Mithridates vñ Tigranes/ vnfeigliche menig/ eh die jhr ordnung gemacht/ vbereyillet vnnd mit klainem volck/ vber wunden habe. Vnd Annibal dem größten gwalt der Rhömern/ die vn hilflichfē zügē gefelt/ herwideruñ aber König Philippus/ fein dapfri fē Knecht/ dē fchwächfē Jlyriern fürgefetzt/ vñ auch alfo jhr ordnüg erbrochen habe. Alfo auch wider vnfern Feind den Türcken/ weil er die fchwächften im erften hauffen hat/ weñ man denfelben mit eim ftarckē gwalt darnider erleget/ brechte man ertlich auch die nachuolgend dap fer Feind in fchrecken/ vnnd machet den vnfern ain hertz/ auch den ver zagten/ wie in all hiftorien von rechtgefchaffnen Haubtleütten befchehē fein gelesen wirt. Vnnd fo auch Crófus der König/ ain gwaltigen Reu figen zeüg der Feinden/ mit Camelthieren abfchreckt vnnd zertrent ge habt/ mögen vnfer Leüt auch bey abnemen/ vnd vnfer Pferd daruor hütten/ weil auch Ariftoteles vnd Plinius/ von fonderm haß derfelbē/ gegen den Pferden/ fchreiben. Solliche thier aber/ vñ Ellefanten auch/ hat man vorzeiten/ in der Ordnung raumb gelaffen hinein zekümen/ vñ darnach zü der feitten darein geftochen/ fy/ oder was darauff gewefen/ erfchoffen/ vnd alfo erthemet. Was fag ich aber von dem allain: alles fo ein Krieg erhaifchet/ hat difer vnfer Leerer/ gantz Kriegrifcher art/ or denliche befchribē/ ertlich wie man vor anghender Schlacht/ die Rat fchleg verberge/ vñ erfare/ ein Kriegßwefen erhalte/ mit vorthail durch

ziehe/ dem Feind nachftelle/ mangel fürkumme/ die Feind zertrenne /
auffrur geftille/ rechter gelegenheit fchlage/ die Knecht drauff raitze/ vn̄
der forcht nichts achte/ Darnach der Schlacht halben auch/ wie man
drauff der zeit erwarte/ vorthail des orts fuche/ ordnung mache/ zertren
ne/ nachftelle/ lich verhütte/ vnfall verhele/ wider auff komme/ figs ge
brauche/ fchaden einbringe/ die wanckelmüttige befette/ Wagenburg
errette/

A3^r

errette/ vnd entrinne/ Vber das/ die Blegrung belangend/ wie man die in Stetten/ Schlöffern/ vnd Bergen/ vbereytle/ betriege/ zû verräterey locke/ zû abgang bringe/ zeharren erzaiße/ bätzungen ertrenne/ wasser abgrabe vnd meide/ die Blegerten erfchrâcke/ ghâling einfalle/ aufferlocke/ abzziehen stelle/ Auch ob wir belegert wurden/ wie fleyffig auffgefehen/ Pottschafften/ Hilff/ Profand/ auß vñ ein gebracht/ sich aller reichlicheit in vnferm abgang erzaißt/ den verrâttern fürkommen/ außgebrochen/ oder teuff beharret werde. Zû letft/ von der Kriegszucht/ vnd dero nutz/ vom abbruch/ von der gerechtigkeit/ von der standhaftigkeit/ von der meßigkeit/ vnnd allerlay güt Anschlägen/ also das sich billich kainer/ so hoch vermessen Holt/ sollichs alles zûuerachten/ vnnd für vnthauglich zû difem Zug zeachten/ fonder eh alles lefen/ vnnd gleiche fünd darauff weitter erdencken. So hab ich mich auch/ der vnuerfântlichen Teüfch/ so ietz die hohe gehayffen wirt/ nit hart bearbeitet/ fonder tâglich geübter wort befliffen/ daß wiewol ich der Cantzley/ jr scharpff weitgefuchte Teüfch/ vnuerworffen laß/ bin ich doch allweg des Cicerons vnd Caius Julius mainung gewesen/ feltzame wort zemeiden/ vñ allain eigentlich vnd breüchlich zereden/ weil ie vnnd allweg/ Solecismus für ein groß vbelstâd in ainer Sprach gehalten wordē/ des die hohe Teüfch/ alle voll ist. Halt auch der Kriegrifche wort halben/ mich von niemand zefchelten/ daß ob ich schon weiß zû Latein/ was Pedites, Equites, Claffes, Imperator, Dux, Legatus, Tribunus, Signifer, Telfararius, Centurio, Papilio, Prohaftatus, Ferentarius, ꝛc. feind/ vnnd zû Teüfch auch/ was ein Feld-

hauptman/ Mufterherr/ Marfchalck/ Vndermarfchalck/ Reißigenobri-
 fter/ Kriegsrhât/ Schultheiß/ Zeügmaiter/ Lutinant/ Zeügwart/ Qua-
 ftor/ Quartiermaiter/ Startmaiter/ Profandmaiter/ Kreyßhaupt-
 man/ Fendrich/ Quaftator/ Weibel/ vñ der gleichen/ noch dennoch/ ist
 kein Lateinifcher nam/ der etwann mit eim obermeltem Teüfchē wort/
 sich durchauß vergleiche/ darumb ich auch bit/ mich in sollichem fall vn-
 gefâret zefein/ fonder das mein getrew gütuermeint arbeit/
 freüntlicher gftalt auffgenommen vnd außgelegt werde/
 hiemit was dir lieb ist/ geben Ingoldtat des
 25. tag Junij im 42. Jar klainer zal
 nach Chriftigeurt.